

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 16.11.2015թ. թիվ 1503861547 որոշումը բեկանելու, իսկ 16.11.2015թ. թիվ 1503861529 որոշումն անփոփոխ թողնելու մասին

<< 11 >> 12 2015թ. 17-4-25301

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ա. Հակոբյանս, վերանայելով Իլյա Քոչյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Հին Երևանցու փողոցի 2-րդ տան բնակիչ Իլյա Քոչյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.11.2015թ. թիվ 1503861529 և 1503861547 որոշումները, նշելով որ 06.11.2015թ. Երևան քաղաքի Տերյան-Պուշկին փողոցների խաչմերուկի հատվածում արգելված վայրում կանգառ կատարելու համար Ճանապարհային ոստիկանության կողմից կայացվել է երկու վարչական տույժ նշանակելու մասին որոշումներ: Խնդրել է նաև վերանայել վերը նշված որոշումները և բեկանել որևէ մեկը:

Դիմումի քննարկման արդյունքում պարզվել է, որ վարչական տույժ նշանակելու մասին 16.11.2015թ. թիվ 1503861547 որոշումը ենթակա է բեկանման, իսկ 16.11.2015թ. թիվ 1503861529 որոշումը ենթակա չէ բեկանման՝ հետևյալ պատճառաբանությամբ.

Ճանապարհային ոստիկանության վերոնշյալ որոշումների հիմքերում դրված տեսանյութերը փաստում են, որ դիմումատուին պատկանող տրանսպորտային միջոցը կանգնած է Երևան քաղաքի Տերյան-Պուշկին փողոցների խաչմերուկի հատվածում նույն դիրքով, և չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

Այսպիսով՝ <<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<Բ>> կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.11.2015թ. թիվ 1503861547 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 16.11.2015թ. թիվ 1503861529 որոշումը թողնել անփոփոխ, իսկ վարչական բողոքն առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Իլյա Քոչյանին և ՃՈ ՏՄՀԽԱ կենտրոն:



Ա. Հակոբյան